

**ERABAKIA, 2022ko URRIAREN 20(e)koa, UNIVERSIDAD DEL PAÍS VASCO/EUSKAL HERRIKO UNIBERTSITATEKO ERREKTOREARENA, OINARRI ESPEZIFIKOAK ARGITARATZEKO HAUTAKETA PROZESU HONEN BARRUAN: ADMINISTRAZIO ETA ZERBITZUETAKO LAN KONTRATUDUN LANGILE FINKOAK, IV. TALDEA.**

UPV/EHUko Gobernu Kontseiluaren 2019ko abenduaren 12ko Erabakiaren bidez, administrazio eta zerbitzuetako langileen 2019ko lan eskaintza publikoa onartu zen (2019ko abenduaren 24ko EHAA, 244. zk.). UPV/EHUko Gobernu Kontseiluaren 2020ko abenduaren 17ko Erabakiaren bidez, 2020. urteko lan eskaintza publikoa onartu zen (2020ko abenduaren 31ko EHAA, 262. zk.). Gobernu Kontseiluaren 2021eko abenduaren 16ko Erabakiaren bidez (2021eko abenduaren 24ko EHAA, 265. zk.), 2021. urteko lan eskaintza publikoa onartu zen, eta Gobernu Kontseiluaren 2022ko maiatzaren 24ko Erabakiaren bidez (2022ko maiatzaren 31ko EHAA, 104. zk.), administrazio eta zerbitzuetako langileentzako 2022. urteko lan eskaintza onartu eta 2019, 2020 eta 2021. urteetako lan eskaintzak aldatu ziren.

Deialdi espezifikoen kudeaketan ekonomia, eraginkortasuna eta efizientzia ezartze aldera, eskaintza guztiak prozesu bakar baten barruan sartu dira eta prozesu horren oinarri orokorrak onartuta daude UPV/EHUko errektorearen 2022ko urriaren 20ko Erabakiaren bidez.

UPV/EHUren Estatutuen 59., 60. eta 61. artikuluek ezarri bezala, kontuan izanik Euskal Funtzio Publikoari buruzko uztailaren 6ko 6/1989 Legearen 23. eta 24. artikulua eta II. tituluaren IV. kapitulua (langileak hautatzeari buruzkoa), Enplegatutako Publikoaren Oinarriko Estatutuaren IV. tituluaren I. kapitulua, 2022ko ekainaren 30eko Akordio bateratua, AZPko lan kontratutun eta AZPko funtzionarioen negoziazio mahaiena (LEPetako sarrera prozesuetako deialdiak arautzeko gutxieneko irizpideei buruzkoa), eta UPV/EHUko Gobernu Kontseiluak deialdi hau behin onartuta 2022ko urriaren 20ko bileran,

**ERABAKI DUT:**

**LEHENENGOA.** - Deialdia egitea hautaketa prozesuak egin daitezzen, merezimenduen lehiaketa sistemaren bidez, plazak betetzeko UPV/EHUko administrazio eta zerbitzuetako lan kontratutun langile finkoen kolektiboan, teknikari laguntzaileen IV. taldean. Plazak era honetara banatuta daude eta ezaugarri hauek dituzte:

1.- Egonkortasunerako ezohiko prozesuaren bidez deitutako plazak, txanda librean.

- Sei (6) plaza Sistemen Informatikako teknikari laguntzaileen kategorian, Sistemen Informatika espezialitatean, era honetara banatuta:
  - Plaza bi (2) 2. HErekin eta derrigortasun data gaindituta.
  - Lau (4) plaza 2. HErekin eta derrigortasun data gainditu gabe.
- Plaza bat (1) Kimikako teknikari laguntzaileen kategorian, Kimika espezialitatean, 1. HErekin eta derrigortasun data gaindituta.

- Bost (5) plaza Osasuneko/Animaliategiko teknikari laguntzaileen kategorian, Osasuna/Animaliategia espezialitatean, era honetara banatuta:
  - Plaza bi (2) 2. HErekin eta derrigortasun data gaindituta, ezaugarri hauekin:
    - Plaza batek (1) betebeharrak dauka: martxoaren 20ko ECC/566/2015 Aginduan zehaztutako trebakuntza berezia (esperimentaziorako eta beste helburu zientifiko batzuetarako –irakaskuntza barne-erabiltzen, hazten edo hornitzen diren animaliak erabiltzen dituzten langileek izan beharreko trebakuntza ezartzen duen agindua).
    - Plaza batek (1) betebeharrak dauka: osasunaren familia profesionaleko erdi mailako edozein heziketa ziklotako teknikari titulua.
  - Hiru (3) plaza 2. HErekin eta derrigortasun data gainditu gabe, ezaugarri hauekin:
    - Plaza batek (1) betebeharrak dauka: martxoaren 20ko ECC/566/2015 Aginduan zehaztutako trebakuntza berezia (esperimentaziorako eta beste helburu zientifiko batzuetarako –irakaskuntza barne-erabiltzen, hazten edo hornitzen diren animaliak erabiltzen dituzten langileek izan beharreko trebakuntza ezartzen duen agindua).
    - Plaza bik (2) betebeharrak daukate: osasunaren familia profesionaleko erdi mailako edozein heziketa ziklotako teknikari titulua.
- Plaza bat (1) Argitalpen eta Arte Grafikoetako goi mailako teknikarien kategorian, Argitalpen eta Arte Grafikoak espezialitatean, 2. HErekin eta derrigortasun data gaindituta.
- Lau (4) plaza Arte eta Gorputz Adierazpeneko teknikari laguntzaileen kategorian, Arte eta Gorputz Adierazpena espezialitatean, 1. HErekin eta derrigortasun data gainditu gabe.
- Sei (6) plaza Jarduera Espezifikoetako teknikari laguntzaileen kategorian, era honetara banatuta:
  - Lau (4) plaza Biltegia espezialitatean:
    - Hiru plaza (3) 2. HErekin eta derrigortasun data gainditu gabe.
    - Plaza bat (1) 1. HErekin eta derrigortasun data gaindituta.
  - Plaza bi (2) Mantentze Lanak eta Produziorako Zerbitzuak espezialitatean:
    - Plaza bat (1) 2. HErekin eta derrigortasun data gainditu gabe.
    - Plaza bat (1) 1. HErekin eta derrigortasun data gainditu gabe.

2.- Ohiko prozesuaren bidez deitutako plazak.

- Plaza bat (1) Argitalpen eta Arte Grafikoetako teknikari laguntzaileen kategorian, Argitalpen eta Arte Grafikoak espezialitatean, txanda librean, 2. HErekin eta derrigortasun data gaindituta.

Plazen deialdi honek erantsita dauka generoaren eraginaren aurretiazko ebaluazio txostena, oinarri hartuta Bizkaiko Foru Aldundiaren azaroaren 19ko 141/2013 Foru Dekretua.

**BIGARRENA.** – Deialdian parte hartzeko baldintzak.

Oinarri orokorretako 4.2 atalean zehaztutako baldintzez gain, ondorengo baldintzak bete beharko dituzte hautagaiek, uztailaren 6ko 6/1989 Legeak, Euskal Funtzio Publikoari buruzkoak, 43. artikuluan zehaztutakoaren arabera:

- a) Eskatutako titulazioa izatea: Bigarren Hezkuntza, Oinarrizko Hezkuntza Orokorra, Lanbide Heziketako teknikari edo teknikari laguntzaile titulua edo baliokidea, kasuan kasuko organo eskudunak emanik.
- b) Salbuespen gisa, IV. taldean sartzeko deialdian parte hartu ahal izango da Eskola Ziurtagiria edukita eta UPV/EHU n hamar urteko antzinatasuna akreditatuta.
- c) Kasuan kasuko lanpostuaren baldintzak betetzea, baita indarrean dagoen araudiak ezarritako beste edozein ere.
- d) Eskariak aurkezteko ordaindu beharreko tasak:

Oinarri orokorretako 5.2.e) oinarrian zehaztutako baldintza betetzeko, tasak eskariak aurkezteko epearen barruan ordaindu beharko dira Kutxabank entitatean, oinarri horietako 5.1 puntuan adierazitakoari jarraikiz.

Eskaria UPV/EHUko webgunearen bidez aurkezten dutenek (5.1.a) oinarria "ordainketa pasabidearen" bitartez ordaindu ahal izango dituzte tasak, sisteman bertan zehazten diren baldintzak betez. Bestela, ordainketa Kutxabanken egin ahal izango dute.

Tasa horien zenbatekoa 11,72 eurokoa da deialdi espezifiko eta prozesu bakoitzeko.

**HIRUGARRENA.** - Merezimendu lehiaketaren bidezko hautaketa sistema

Hautagaiek alegatu eta egiaztatutako merezimenduak aztertu eta baloratuko dira: merezimendu bakoitzari ondorengo baremoaren arabera dagozkion puntuak esleituko zaizkio, eta gehienez ere hamar (10) puntu lortu ahal izango dira.

Merezimenduen baremoan kontuan hartuko dira:

- merezimendu profesionalak
- merezimendu akademikoak

### 3.1.- Merezimendu profesionalak

Gehienez zortzi punturekin baloratuko dira administrazio publikoetan emandako zerbitzuak, deialdi bakoitzerako eskariak aurkezteko azken egunera arte. Emandako zerbitzutzat hartuko dira aldi baterako lan kontratudun langile moduan izandako kontratuan azaltzen diren zerbitzu profesionalak. Eginkizunen aldi

baterako esleipenaren bidez emandako aldietan, aldi horri dagokion kontratuan ageri den lanpostuari dagozkion zerbitzuak baloratuko dira.

Atal honetan, irizpide hauen arabera emango dira puntuak:

- a) Deialdia egin duen administrazioa parekoa eta emandako zerbitzuak pareko izateagatik: 0,048 puntu lan egindako hilabete osoko, Universidad del País Vasco/Euskal Herriko Unibertsitatean aldi baterako lan kontratudun langile legez deialdikoarekin bat datorren lan kontratudun langileen talde, kategoria eta espezialitatean.
- b) Deialdia egin duen administrazioaren antzekoak izateagatik eta emandako zerbitzuak parekoak izateagatik: 0,024 puntu lan egindako hilabete osoko, beste edozein unibertsitate publikotan aldi baterako lan kontratudun langile legez deialdikoarekin bat datorren lan kontratudun langileen kategoria eta espezialitatean.
- c) Emandako zerbitzuak parekoak izateagatik: 0,016 puntu lan egindako hilabete osoko, beste edozein administrazio publikotan aldi baterako lan kontratudun langile legez deialdikoarekin bat datorren lan kontratudun langileen kategoria eta espezialitatean.
- d) Deialdia egin duen administrazioaren pareko izateagatik: 0,012 puntu lan egindako hilabete osoko, Universidad del País Vasco/Euskal Herriko Unibertsitatean aldi baterako lan kontratudun langile legez deialdikoarekin bat ez datorren lan kontratudun langileen talde, kategoria eta espezialitatean.

Puntuak zenbatzeko lan egindako aldien batuketara egingo da eta azken baturan ez da kontuan izango 30 egun naturaletik beherako zatirik. Lanaldi partzialean emandako zerbitzu aldiak lanaldi osoan emandakotzat hartuko dira.

3.2.- Merezimendu akademikoak: gehienez, 2 puntu.

3.2.1.- Titulu akademikoak: titulu akademikoei puntu 1 emango zaie gehienez, eskatutako lanpostuari dagokion sailkapen taldean sartzeko beharrezko tituluari izan ezik, baremo honen arabera:

- Eskuratu nahi den lanpostuaren sailkapen taldean sartzeko eskatutakoaren gainetik dagoen titulu bat edukitzea: puntu 1 titulazioko.
- Eskuratu nahi den lanpostuaren sailkapen taldean sartzeko eskatzen den tituluaz gain, maila bereko beste bat edukitzea: 0,5 puntu titulazioko.

Titulu bat baloratzen denean ez dira baloratuko hori lortzeko behar diren beheragoko tituluak.

Ez dira merezimendutzat baloratuko baldintzak betetzeko erabilitako titulazioak.

3.2.2.- Euskal Autonomia Erkidegoan ofizialak ez diren hizkuntzak: gehienez puntu 1, baremo honen arabera:

- Frantsesa, ingelesa edo alemana egiaztatzeko tituluak edo ziurtagiriak, Europako Marko Bateratuko C1 mailakoak edo goragokoak: puntu 1 hizkuntza bakoitzeko.

- Frantsesa, ingelesa edo alemana egiaztatzeko tituluak edo ziurtagiriak, Europako Marko Bateratuko B2 mailakoak: 0,75 puntu hizkuntza bakoitzeko.
- Frantsesa, ingelesa edo alemana egiaztatzeko tituluak edo ziurtagiriak, Europako Marko Bateratuko B1 mailakoak: 0,5 puntu hizkuntza bakoitzeko.
- Frantsesa, ingelesa edo alemana egiaztatzeko tituluak edo ziurtagiriak, Europako Marko Bateratuko A2 mailakoak: 0,25 puntu hizkuntza bakoitzeko.

Kontuan hartuko da UPV/EHUko errektoreak 2012ko martxoaren 8an emandako Erabakia, hizkuntza ez-ofizialen baliokidetasunari buruzkoa (Koordinazioaren eta Nazioarteko Harremanen arloko errektoreordearen 2017ko maiatzaren 22ko Erabakiaren bidez eguneratu zena), edo erabaki horren ordezkoko arautegia.

Puntuazioa ez da metagarria izango; hau da, hizkuntza batean maila bat baloratzen denean, ez dira baloratuko hortik beherako mailak.

3.2.3.- Hautaketa prozesu bat gainditu izana, bai lan kontratadun langile finko izateko, hautatua izan gabe, bai aldi baterako enplegu publikorako lan poltsak eratzeko: gehienez puntu 1 honen arabera:

- UPV/EHUko hautaketa prozesuak, deialdiko talde, kategoria eta espezialitate bereko lan kontratadun langileentzat: puntu 1.
- Beste unibertsitate publiko batzuetako hautaketa prozesuak, deialdiko talde, kategoria eta espezialitate bereko lan kontratadun langileentzat: 0,5 prozesuko.
- Beste administrazio publiko batzuetako hautaketa prozesuak, deialdiko talde, kategoria eta espezialitate bereko lan kontratadun langileentzat: 0,33 prozesuko.

3.2.4.- Eskariak aurkezteko epea bukatzean UPV/EHUko lan poltsetan egotea, deialdiko kategoria eta espezialitate berean: 1 puntu.

### **LAUGARRENA.** – Merezimenduak akreditatzea.

Merezimenduak akreditatu egin beharko dira, eta horretarako, ondorengo dokumentuak aurkeztu beharko dira oinarri orokorretan zehaztutako epe eta eran. Ez da aurkeztu beharko, baina, UPV/EHUko Pertsonaleko Gerenteordetzak jada bere esku daukan dokumenturik:

4.1.- UPV/EHUUn emandako zerbitzuak alegatu egin beharko dira, baina ez dira akreditatu beharko. Administrazioak ofizioz zenbatuko ditu.

4.2.- Beste administrazio publiko batzuetan emandako zerbitzuak ziurtatzeko, administrazio bakoitzak horretarako duen eredia erabiliko da. Ez da ziurtagiri hori aurkeztu beharko UPV/EHUK hiru urtekoetarako aitortuta dituen zerbitzuetarako. Nolanahi ere, banakatu egingo dira lan eginiko aldiak, eta aldi horiek zein talde, kategoria eta espezialitateri dagozkien zehaztu. Horrez gain, lanpostuaren edo

lanpostuen monografia edo eginkizunen ziurtagiria aurkeztu beharko da, langileen arloko zuzendaritza eskudunak emandakoa.

4.3.- Euskal Autonomia Erkidegoko administrazio orokorrean, foru administrazioan eta toki administrazioan emandako zerbitzuak baliokidetzat hartuko dira, aintzat harturik uztailaren 30eko 208/1990 Dekretua, Euskal Administrazio Publikoetako kidegoen eta eskalen arteko baliokidetasuna zehazten duena.

4.4.- Tituluak akreditatzeko, aurkeztu beharko da titulua, edo titulua jasotzeko eskubideak ordainduta izatearen egiaztagiria, edo, bestela, interesduna titulua jasotzeko proposatua izan delarik, hala egiteko moduan egotearen ziurtagiria, edo tituluaren jabe izatea egiaztatzen duen dokumentua. Kontuan hartuko dira bakar-bakarrik eskariak aurkezteko epea amaitu baino lehen lortutako titulua.

4.5.- Hizkuntzak akreditatzeko, titulua edo ziurtagiria aurkeztu beharko da, eta ez da probarik egingo. Kontuan hartuko dira bakar-bakarrik eskariak aurkezteko epea amaitu baino lehen lortutakoak.

4.6.- Hautaketa prozesu bat gainditu izana akreditatzeko –lan kontratudun langile finko izateko prozesua, hautatua izan gabe, edo aldi baterako lan kontratudun langileen lan poltsak eratu edo zabaltzeko prozesuak– funtzio publikoaren arloko organo eskudunak emandako ziurtagiria aurkeztu beharko da eta berariaz zehaztuta izan beharko du hautagaiak gainditu egin zuela hautaketa prozesua, bai eta ondoko hauek ere: deialdia noiz argitaratu zen, zein kategoria eta espezialitatetarako zen eta zein izan zen hautagaiak lortutako nota. UPV/EHUren hautaketa prozesuetarako, merezimendu hori ofizioz egiaztatuko da, baina alegatu egin beharko da lan kontratudun langileen oinarri orokorretako seigarren oinarrian zehaztutakoari jarraikiz.

4.7.- Hautagaia UPV/EHUko lan poltsetan badago kategoria eta espezialitate berean, ofizioz akreditatuko da, baina hautagaiak alegatu egin beharko du.

## **BOSGARRENA.** - Euskara

5.1.- Kategoria batean eskaintzen diren plaza guztiek gaindituta badaukate derrigortasun data deialdia egiten den egunean, "gai" kalifikazioa izango dute kasuan kasuko hizkuntza eskakizuna egiaztatzen duten hautagaiak.

5.2.- Eskaintzen diren plazek ez badaukate gaindituta derrigortasun data deialdia egiten den egunean, honela baloratuko da euskara maila eta ezin izango da lortu bitarteko puntuaziorik:

1. HE eta derrigortasun data gainditu gabe duten Arte eta Gorputz Adierazpeneko teknikari laguntzaileen kategoriako lanpostuak:

– 1. HE edo goragoko hizkuntza eskakizuna akreditatuz gero: 0,5 puntu.

2. HE duten lanpostuak, derrigortasun data gainditu gabe:

- 1. HE akreditatuz gero: 0,5 puntu.
- 2. HE, 3. HE edo goragoko eskakizuna akreditatuz gero: 1 puntu.

**SEIGARRENA.** – Azken kalifikazioa.

6.1.- Hautagaien azken kalifikazioa izango da lortutako puntuen batura.

6.2.- Emaitza eta kalifikazio guztiak argitaratuko dira UPV/EHUren iragarki oholean eta [www.ehu.es](http://www.ehu.es) helbidean.

**ZAZPIGARRENA.** - Erabaki honen aurka aukerako berraztertze errekurtsua aurkez dakiok UPV/EHUko Gobernu Kontseiluari, hilabeteko epean, edo, bestela, administrazioarekiko auzi errekurtsua jar daiteke zuzenean Administrazioarekiko Auzien Epaitegian, bi hilabeteko epean, erabaki hau Euskal Herriko Agintaritzaren Aldizkarian argitaratu eta hurrengo egunetik hasita. Bi errekurtsuak ezin dira batera jarri.

Leioa, 2022ko urriaren 20a

UPV/EHUko ERREKTOREA  
EVA FERREIRA